



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XLIX. Gregorii Papae I. Ad Monachos In Christi Monte Constitvtos.
De Orosio abbate suscipiendo.

urn:nbn:de:hbz:466:1-15221

mabus esse sollicitos. Comperimus autem in insula Orpharia, in qua situm beati Petri apostolorum principis oratorium esse dignoscitur, multos virorum cum mulieribus suis diuersorum patrimoniorum illuc pro necessitate feritatis barbaricæ refugisse: quod importunum iudicauimus, vt dum alia refugiorum loca vicina sint, cur ibidem cum monachis debeant mulieres habitare. Propterea præfenti iussione præcipimus experientiæ tuæ, vt a præfenti tempore nullam illic vltius mulierem, siue ecclesiastici iuris sit, siue cuiuslibet alterius, habitare commanereve permittas, sed refugium sibi cum, sicut prædictum est, tot loca vicina sint, vbi maluerint, ipsi prouideant, vt omnis exinde mulierum conuersatio submoueatur: ne, si quæ in nobis est curam gerere desistamus, atque inimici laqueis obuiare, nos exinde, quod absit, si quid aduersi contigerit, culpabiles existamus. Præsentium itaque latori Felici abbati mille quingentas plumbi libras, de quo in eadem insula egere dignoscitur, dare non differas: quod postmodum, cum totius quantitatis summa noscetur, tuis rationibus imputetur. Ita ergo fac, vt tu ipse prouideas, si in eiusdem insulæ fabrica expendi vtiliter valent. Quia autem dura est in insulis congregatio monachorum, etiam pueros in eisdem monasteriis ante decem & octo annorum tempora suscipi prohibemus. Vel si qui nunc sunt, tua eos experientia auferat, & in Romanam urbem transmittat. Hoc & in Palmaria aliisque insulis te per omnia volumus custodire.

Gra. 20. q. 1.

Ext. de rog. cap. 1.

EPISTOLA XLIX.

GREGORII PAPÆ I.

AD MONACHOS IN CHRISTI MONTE
CONSTITVTOS.

De Orosio abbate suscipiendo.

*Gregorius vniuersis monachis in Christi Monte insula
constitutis.*

PERVENIT ad nos nulla vos monasticæ regulæ præcepta custodire: pro qua re compulsi sumus præfentis præcepti portitorem Orosium abbatem ad vos dirigere, vt omnia acta vestra subtiliter exquirens, quæque ei
recta

reſta fuerint viſa diſponat, & nobis quæ ab eo ordinata fuerint, renuntiet. Proinde admonemus, vt omnem ei obedientiam præbeatis. Et quidquid diſpoſuerit, velut a me diſpoſitum cum debita reuerentia cuſtodite.

EPISTOLA L.

GREGORII PAPÆ I.

AD SYMMACHVM DEFENSOREM.

De Oroſio abbate in Gorgone inſula ordinando.

Gregorius Symmacho defenſori.

FILIVS meus Bonifacius diaconus dixit mihi, quod experientia tua ſcripſiſſet, monaſterium quondam ab Albina religioſa femina conſtructum paratum exiſtere, vt in eo debeant monachi ordinari. Et quidem laudavi ſollicitudinem tuam, ſed volo vt excepto eo loco, qui iam in eamdem rem dimiſſus eſt, locus alter debeat provideri: ita tamen vt pro incertitudine temporis locus ſuper mare requiri debeat, qui aut loci diſpoſitione munitus exiſtat, aut certe non magno labore muniri valeat, vt illuc monachos tranſmittamus: quatenus inſula ipſa, quæ monaſterium nuncuſque non habuit, etiam in huius conuerſationis via meliorari debeat. Ad quam rem implendam atque providendam, Oroſium abbatem præſentis præcepti portitorem direximus, cum quo tua experientia litora Corſicæ circumeat: & ſi cuiuſlibet perſonæ priuatæ locus talis inueniri dignus potuerit, dignum parati ſumus precium dare, vt poſſimus aliquid firme conſtituere. Cui præfato Oroſio iniunximus, vt in Gorgonem inſulam pergat, cum quo tua experientia pariter eat, & mala omnia, quæ illic cognouimus admiſſa, ita vindicate, vt per vltionem veſtram præfata inſula etiam in poſterum maneat correctæ. Huius inſulæ monaſteria ſæpeſatus abbas Oroſius inſtituat, atque ita ad nos remeare feſtinet. Ita igitur experientia tua faciat, vt ex vtraque re, id eſt, vel providendo in Corſica monaſterio, vel corrigendis monachis in Gorgonia, non noſtræ, ſed voluntati omnipotentis Dei parere feſtinet. Præterea volumus vt ſacerdotes qui in Corſica commorantur, prohiberi debeant ne cum mulieribus conuerſentur, excepta dumtaxat matre, ſorore, vel vxore,

Grat. diſt.
81. cap. 24.
Luo p. 6. c.
80.